



MOTZIONE

Gruppu consiliare

“LiberaMente Silanus”

Ogetu: Solidariedade a Luisi Caria

Antitzipadu chi

- Luisi Caria at semper dadu su contributu sou a su protzessu de emantzipazione culturale de sa Sardigna intrea, poninde sas connoschèntzias suas fintzas a su servìtziu de sos assòtzios culturales. Annu cun annu at tentu puru sa possibilitade de viazare in Europa e in sos istados de su Mediterràneu e de connòschere sas realidades locales, minoritàrias e de sos pòpulos opressos. Notziones chi l'ant ismanniadu sos valores personales, ligados a sos ideales fortes, a sa sensibilidade e unu sentidu mannu de solidariedade.
Mescamente in su perìodu universitàriu at cooperadu in paritzos progetos chi pertocant sa limba sarda e at aderidu a sos comitados in favore de su respetu ambientale e contra a s'ocupazione militare de sa Sardigna.

Cunsideradu chi

- Chenàbura manzanu Caria at retzidu sos atos de sa cuestura cun s'acusa de terròrismu. Imputazione chi leat in esame unu viazu in Sìria de su 2017, cando est andadu a visitare su pòpulu curdu e s'Unidade de Protetzione Populare de su YPG, militia nord-siriana chi gherrat contra a s'Istadu Islamicu (ISIS). Custu fatu nch'at fatu fèrrere su nòmene sou in totu sas testadas giornalisticas sardas e italianas, etichetande·lu che a terrorista e cundannande·lu in antis de àere in manu totu sos elementos.
- Caria s'est mòvidu semper in su respetu de sas règulas e de sas lezes de s'istadu italianu, mancarì non nde cumpartzeret sos ideales.

MOTZIONE

Pro su chi amos antitzipadu e cunsideradu, su Consizu Comunale impinnat su Sìndigu e sa Giunta a espressare sa solidariedade de s'assemblea a Luisi Caria.

Silanos, 17 de cabidanni de su 2018

Firmadu: A. Beccu, M. Cossu
G.M. Cappai, G.B. Tola

“LiberaMente Silanus”